

فقه الأولويات - فريد الأنصاري irasnAla diraF

فريد الأنصاري

الحمد لله رب العالمين والصلوة والسلام على اشرف المرسلين محمد واله الاهدين المهتدين وكل من دعا بدعوته الى يوم الدين اما بعد
فاننا بحول الله عز وجل نلتقي اليوم مع الدرس الثاني - 00:00:00

من دروس فقه الدعوة ودروس فقه الدعوة هي المتعلقة بكيفية الدعوة الى الله عز وجل علما وعملا. اي ما هي الشروط العلمية
والعملية الكفيلة اذا اتبعناها استقريناها ان نتخرج بحول الله عز وجل دعاء الى الله باذنه. وعلى هديه سبحانه وتعالى. فكان -

00:00:21

سابق كلامنا حول منطلق العمل الدعوي. مركزين على بداية سورة المدثر كما بينا واليوم بحول الله نخلص الى امر اخر يتعلق
بالاولويات او فقه الاولويات. الدعوية. على الجانب او على - 00:01:02

المستوى العلمي والمستوى العملي. وسأبين بحول الله عز وجل مبسطا ما استطعت الى ذلك سبيلا فقه الاولويات لما نسمعه فقه
الاولويات في امور الدين فذلك يعني ان امور الدين لها مراتب - 00:01:32

يعني الامور ديال الدين عندها مراتب عندها درجات. الدرجة رقم واحد واثنين وثلاثة مراتب. هاد الامور ديال الدين مرتبة ترتيب معين
وما يمكنكم تمشي طبق رقم اثنين الا بعدما طبق رقم واحد. هذا المقصود بالاولويات. شكون الأولى - 00:02:00

وشكون اللي حداه ؟ والإنسان الى ما ضبطش هاد الفقه هذا فقه الاولويات فقد يبني السقف ولما يبني الاسس الا ما ضبطش الانسان
هاد العلم هدا او هاد الفقه لي فيها هو فقه الاولويات راه يمكن يدير واحد الغلط كبير وهو انه يبقى يدير الضالة - 00:02:24

يدير الضالة والحيوط مازال ما دارهم. وهذا فساد كبير. من هنا كان واجب. على الإنسان المسلم ان الذي يريد ان يدعوا الى الله عز
وجل على علم وعلى بصيرة لابد له من ان يتقنها - 00:02:50

علم الاولويات. او فقه الاولويات. ونحن بحول الله عز وجل سنختصر القول في ذلك اختصارا يجعلنا نأخذ ما يكفيانا للعمل في
منطلقنا هذا يعني غادي ناخدو الامور العلمية لي محتاجين ليها فهاد الوقت هادي. لي غادي نخدمو بها. فإذا الامور - 00:03:10

ديال الدين ديالنا لي خصنا نخدمو بها الآن واقفين عليها هي لي خصنا نتعلمها باش نقوم بالدعوة الى الله الله عز وجل وهذا الامر
ينقسم الى قسمين فيه جوج ديال الاقسام - 00:03:44

العلم والعمل العلم والعمل والدين كله هو هكذا علم وعمل فالعلم له مصدرا اثنان في مجال الدين كتاب الله وسنة رسوله عليه
الصلوة والسلام هادو هوما المصادر الحقيقة والاساسية ومع ذلك من مصادر هي مصادر تبعية من اجتهادية واقسام الاجتهداد الى
اخره. مصادر تبعية ولكن المصادر الحقيقة - 00:04:02

لدين منين كنجيبو الدين؟ كنجيبوه يا اما من الكتاب او من السنة. هذا العلم العمل كنجيبوه اساسا من العبادات لي حنا مكلفين
بالتطبيق ديالها. والعبادات لي حنا مكلفين بالتطبيق التطبيق ديالها تنقسم الى قسمين اما اوامر او نواهي نواه اوامر هي الامور
الواجبة - 00:04:42

فقالوا والنواهي هي الامور المحرمة. لا تفعل هادي الله تعالى كيقولك ديرها فهي واجبة او مندوبة وهادي الله تعالى كيقولك
ماديرهاش فاما هي حرام او ما مكرهه هادي امور العمل نبدأ بالعلم - 00:05:12

العلم قلنا هو الكتاب والسنة فالميزان الاساس اللي خصنا ناخدو فهاد القضية ديال العلم وهو انه يجب ان نرتب مصدري العلم
الشرعى الترتيب الشرعى. وهو انا ناخد الكتاب هو اللول والسنة رقم تنين ولما كنغلطوا فهاد القضية هادي - 00:05:32

ونقلبو العملية بحيث اننا ناخدو السنة هي اللولة والكتاب لي هو القرآن رقم اتنين كيمكن لنا نحرفو في ديالنا للدين وفي التطبيق ديالنا للدين. وهادشي نشاهد في الواقع الديني بكثرة. يعني هاد الانحراف وهاد - 00:06:06 كنشوفوه بعينينا بين الناس لي قلبو الدين وخداو السنة هي اللولة عاد خداو الكتاب والقرآن رقم اتنين فلابد اننا ناخدو الكتاب هو اللول عاد السنة رقم اتنين قبل ما نجي للأدلة الشرعية على هاد الكلام هدا نرجعو - 00:06:26 الوصف الحالة ديالنا. علاش حنا باغيين الدين الآن كدعوة ماشي الدين كممارسة تعبدية. حنا ماشي خصنا الدين فقط غير باش نديرو العبادات ديالنا ونجلسوا لا. خصنا نديرو الدعوة الى الله - 00:06:48 علاش حنا مطالبون بالدعوة وتكلمنا على هاد الموضوع شحال من مرة لأن المجتمع فسد دينه متباش متدين مزيان بل يعني ضاع تدينه الى درجة فقدان الهوية كما يقال. قريب الناس يعني تبقى تغلط فيهم واش مسلمين ولا ماشي مسلمين - 00:07:08 سبب حجم الفساد لي وقع بين البلاد والعباد. يديير من هنا وجب على كل مسلم وعلى بالدين ديالو حقيقة ان مارس الدعوة الى الله خصو يقوم بالدعوة الى الله عز وجل. بالطاقة لي قdro الله تعالى عليها. لا يكلف الله نفسا الا وسعها. اذن اذا - 00:07:33 كان هاد الأمر هو هادا لأننا الآن خصنا نقومو بتجديد الدين احياء الدين في قلوبنا وقلوب من حولنا فاذا هاد العمل اول واحد قام به هو الرسول عليه الصلاة والسلام هو لي قال فعلا بالدعوة الى الله عز - 00:07:53 جل فتأسيس هذا الدين لي هو دين الإسلام الناسخ لكل الأديان السابقة. سيدنا محمد عليه الصلاة والسلام ملي جا او اول ما جاب الإسلام باش كان كيخدم كان كيخدم بالقرآن - 00:08:15 بالقرآن. فكان ينزل عليه القرآن ويعلمه أصحابه ويدعو الى الله به. لا بسواه حتى انه كان كيمعن الصحابة من كتابة الحديث النبوي وكويجب عليهم كتابه القرآن فقط القبط وكان كيقول لهم عليه الصلاة والسلام من كتب عني شيئا غير القرآن فليهمه. علاش - 00:08:33 ماشي لأن السنة ديالو ما باغيهاش تنشر لا ولكن لأنه باغي يرسخ القرآن في الذهان والوجدان ديال الصحابة. يرفح يتتجدر مزيان القرآن في العقول والقلوب ديالهم. هذا هو الأساس لأن القرآن فيه اصول الدين وكليات الدين. يعني ديك القضايا الكبيرة ديال الدين كاينة في القرآن. واش هي السنة - 00:09:03 شنا كتجي تفصل وتبين كفاس نتصرفو مع القرآن. فلي معندوش بعدا اهتمام بالقرآن اصلا ولا رغبة في العمل بالقرآن. ما عندو حتى معنى انه يمشي يبدا يتعلم فصيل السنة وجزئيات الأحكام المستنبطة من السنة. وهو الأمر لي هي الأساس مازال ما عندهش. كيما قلنا قبيلة - 00:09:33 بحال واحد باغي يديير السقف والحيوط مازال مادايرهوم مازال مادايرهوم الأصول والأركان ديالبني مازال بغا يوقف الضالة فالهوا فلابد اذا من اركان البناء اركان البناء المصدر اسيدي لا هو القرآن الكريم - 00:10:03 ولذلك غادي تلاحظوا واحد الملاحظة عميقة وجوهية قبل قليل سمعنا قول الله عز وجل لو انزلنا هذا القرآن على جبل لرأيته خاشعا متصدعا من خشية الله لو ان الله عز وجل نزل القرآن على جبل حجري صخر هداك الجبل يتحقق تصدق - 00:10:26 بسبب الخشوع لي كينزل عليه ملي كينزل عليه كلام الله عز وجل لي هو القرآن الكريم علاش ؟ حنا قلنا مرارا القرآن راه كلام. كلام الله عز وجل والله عز وجل يتميز بصفات الكمال والجلال. وكذلك كلامه سبحانه وتعالى. فكلامه اذا كان - 00:10:52 غليل هاد القرآن الذي نقرأه بأحرفه الحروف ديالو الألفاظ اللي فيه والجمل طبعا الآيات والسياقات كلها الله عز وجل هو الذي تكلم بها. فأنزلها على نبيه محمد عليه الصلاة والسلام. ثم النبي عليه الصلاة والسلام - 00:11:21 قم بامر الصحابة بكتابته وحفظوه وانتشر في الامة الاسلامية. فإذا ملي كتشد في كتاب الله تعالى عرف بلي راه كتشد في كلام الله هادي راه ما ساهلاش الكلام الهي ولذلك كتبت في احاديث كثيرة الكلام عن القرآن - 00:11:46 بوحد العظمة خاصة من بينها مثلا قول النبي عليه الصلاة والسلام ان او كتاب الله تعالى عفوا كتاب الله تعالى حبل الله الممدود من السماء الى الأرض.ولي حد اذن في كتاب الله تعالى بحالا شد فواحد الحبل - 00:12:06

طرفه بيده الطرف ديالو بيده والطرف ديالو لآخر بيده عز وجل. يعني كتربط الصلة مباشرة الله سبحانه وتعالى بالكتاب ولذلك الكلام اللي هو كلام الله عز وجل اللي هو القرآن كتعبدوا به الله تعالى - [00:12:26](#)

الحروف بالتلاؤة غير تبدأ تقرأ راه عبادة بحال الصلاة والسنّة رغم قدسيتها مكتنبعدوش الله تعالى بالتلاؤة ديالها الحروف ديالها لأن الحروف ديالها والألفاظ ديالها ماشي مية فالمية هوما الحروف والكلمات ديال النبي صلى الله عليه وسلم. قد يكون - [00:12:46](#)
امام بعض الصحابة رواه الحديث بالمعنى ويقدر يكون كلام ديال التابعين للجيل جا من بعض الصحابة الناس رواه الحديث بالمعنى او نفرضوا انه فعلنا لقينا واحد الحديث هو كلام النبي صلى الله عليه وسلم واش عمر كلام النبي عليه الصلاة والسلام -

[00:13:14](#)

تقارن بكلام الله عز وجل. طبعا لا. اذن كتاب الله هو الأصل الأصيل. الذي عليه ينبغي انبانية تدين المسلم. تدين ديال الإنسان المسلم خصو يتبني على كتاب الله تعالى هو اللول. فإذا الإهتمام العلمي ديالنا - [00:13:34](#)

خصوص ينصب على الأصول عاد الفروع. والسنّة بالنسبة لكتاب فروع ماشي اصول. الأصول هي الكتاب صور القرآنية والآيات القرآنية. والسنّة فروع عنها. تفاصيل ديال الكتاب والسنّة. ديال الكتاب شنا تفاصيل ديال الكتاب وبيان شروح للتطبيق وبين الكيفيات والهياكل وكيف الدين وكيف الدين التفسير - [00:13:54](#)

وبيان السنّة هي تفسير وبيان لكتاب هادسي راه خصو يترقب لينا فالدماغ ديالنا. لأن راه ايلا ما ترقبتش هاد القاعدة راه يوقع لينا انحراف غادي نتقلبو بحال بنادم راسو لتحت ورجله لل فوق - [00:14:24](#)

مقلوب ميعرفش يمشي. فلا بد اذا نعرفو بأنه القرآن خصو يرجع. او نرجعو ليه المكانة ديالو قلوبنا وفي المحيط ديالنا وبين الناس هادسي قلنا علاش؟ لأن النبي صلى الله عليه وسلم كيما قلنا قبل قليل ملي جا يدعو - [00:14:39](#)

الى الله عز وجل كان يدعوا الى الله بالقرآن. يقرأ على الناس القرآن ويدعوهم بالقرآن الى الله عز وجل هاديك هي المادة العلمية لي كانت عندهو هاديك الساعة. خدام. هنا قلنا بأنه كان كيمنع الصحابة فلول من كتابة الحديث - [00:15:03](#)

حتى رسم القرآن في القلوب ديالهم والعقول ديالهم. ولـ كـ يـ جـ رـ يـ فيـ الدـ مـ دـ يـ الـ هـ عـ اـ دـ اـ ذـ لـ. لـ بـ عـ ضـ هـ بـ كـ تـ بـ اـ تـ بـ اـ بـ عـ اـ حـ اـ دـ يـ السـ نـ ةـ رـاهـ مـ تـ كـ تـ بـ اـ تـ شـ بـ شـ كـ اـ مـ اـ لـ اوـ حـ تـىـ بـ شـ كـ لـ كـ تـ يـ تـ يـ فـ يـ زـ مـ نـ النـ بـيـ عـلـىـ الصـلـاـةـ وـالـسـلـاـمـ. تـ كـ تـ بـ شـ يـ حـاجـةـ قـلـيـلـةـ فـيـ زـمـنـ النـبـيـ عـلـىـ الصـلـاـةـ وـالـسـلـاـمـ - [00:15:24](#)

كتبت السنّة حتى لمن بعد بسنوات. حتى لـ زـمـنـ دـيـالـ عـمـرـ بـعـدـ عـبـدـ العـزـيزـ وـسـيـطـ الـعـصـرـ الـأـمـوـيـ ماـ تـكـتـبـاتـ لـاـ فـيـ زـمـنـ الـخـلـفـاءـ الـراـشـدـينـ لـاـ فـيـ زـمـنـ سـيـدـنـاـ بـوـبـكـرـ وـلـاـ فـيـ سـيـدـنـاـ عـمـرـ وـلـاـ عـثـمـانـ وـلـاـ عـلـيـ وـلـاـ حـتـىـ فـيـ مـعـاوـيـةـ - [00:15:44](#)

حتى لـ زـمـنـ عـمـرـ بـعـدـ عـبـدـ العـزـيزـ عـادـ تـكـتـبـتـ السـنـةـ. عـادـ نـاضـوـ النـاسـ كـيـكـتـبـوـ السـنـةـ بـأـمـرـيـنـ مـنـ الـخـلـيـفـةـ عـمـرـ بـعـدـ عـبـدـ العـزـيزـ. عـادـ يـعـنـيـ ذاتـ الإـهـتمـامـ الـكـبـيرـ بـكـتـبـةـ السـنـةـ. اذـنـ مـدـةـ بـيـنـ النـبـيـ عـلـىـ الصـلـاـةـ وـالـسـلـاـمـ. لـيـ عـاـشـ فـيـ زـمـنـ عـمـرـ بـعـدـ العـزـيزـ - [00:16:01](#)

مـكـانتـشـ السـنـةـ كـتـكـتـبـ وـمـنـ هـنـاـ كـتـلـقـيـ وـاـحـدـ سـنـةـ فـلـانـ قـالـ حـدـاسـ اـنـاـ فـلـانـ غـيـرـ سـمـعـوـ اـنـ النـبـيـ عـلـىـ الصـلـاـةـ وـالـسـلـاـمـ قـالـ لـيـ كـوـنـ تـكـتـبـاتـ السـنـةـ فـزـمـنـ النـبـيـ عـلـىـ الصـلـاـةـ وـالـسـلـاـمـ كـاـمـلـةـ اوـ الـأـغـلـبـ دـيـالـهـاـ مـتـلـقـاـوـشـ فـيـهـاـ هـادـيـكـ حـدـ ذاتـهاـ حـدـتهاـ لـاـ كـتـبـ عمرـ فيـ صـحـيـفـتهـ مـثـلاـ اوـ - [00:16:21](#)

قال رسول الله صلى الله عليه وسلم القرآن الكريم ما فيهش حتى سنة فلان قال حدثنا علاش؟ لأن النبي صلى الله عليه وسلم أمر بكتاباته تم كتنزل الآية كيقولهم كتبوا دابا فلم يعتمد القرآن على سند وانما اعتمد على التواتر - [00:16:43](#)

يعني الجيل كله ديال الصحابة حفظوه. وروأو عليه الجيل ديال التابعين وشي يحفظه لشي حتى ولـيـ القرآنـ يـعـنـيـ متـواتـرـ بـحـيـثـ انهـ ماـ يـمـكـنـشـ يـوـقـعـ فـيـ غـلـطـ مـسـتـحـيلـ. الـأـمـةـ مـشـرـقـهاـ وـمـغـرـبـهاـ يـحـفـظـ الـقـرـآنـ فـيـ الـأـزـمـنـةـ - [00:17:03](#)

اجيال بعد اجيال او فنفـسـ الـوقـتـ مـوـقـعـ فـيـ الـمـصـاـفـحـ كـانـ فـزـمـنـ النـبـيـ عـلـىـ الصـلـاـةـ وـالـسـلـاـمـ صـفـحـ مـنـ الـأـحـجـارـ وـمـنـ الـأـخـشـابـ مـكـتـوبـ عـلـيـهـ الـقـرـآنـ كـلـوـ. وـتـجـمـعـ شـحـالـ مـنـ مـرـةـ حتـىـ تـجـمـعـ كـاـمـلـ فـمـصـحـفـ وـاـحـدـ - [00:17:23](#)

الزمن ديال عثمان بن عفان رضي الله عنه ولذلك تسمى الخط العثماني والرسم العثماني والمصحف العثماني. ولكن السنة لم يتهيأ لها هذا بقات حتى لزمن عمر بن عبد العزيز عاد بادات كتكتب في الكتب الكبيرة. وهادشي ماشي زعما راه غريب على - 00:17:43 الله سبحانه وتعالى لا يقع في دينه وفي غير دينه الا ما يريد. انما امره اذا اراد شيئا ان يقول له كن فيكون والله تعالى تكفل بحفظ الدين. تكفل سبحانه وتعالى بحفظ الدين - 00:18:03

ولذلك راه الله تعالى عالم بأن السنة ما تكتبش. ومع ذلك ما كانش امر الهي بكتابة السنة. علاش ؟ لأن الله عز وجل يعلم سبحانه وتعالى وهو يريد سبحانه وتعالى ان يكون القرآن هو المصدر رقم واحد ديال الدين عاد تجيي السنة - 00:18:21 اذن الناس في زمان النبي عليه الصلاة والسلام الشغل الكبير ديالهم هو القرآن. الصحابة الشغل ديالهم الكبير هو القرآن. هذا الاشتغال الاساسي ديالهم من هنا اذن الى حنا بغيينا فعلا نديرو الدعوة الى الله عز وجل راه كاين واحد القاعدة مشهورة لن يصلح اخراها - 00:18:41

هذه الامة الا بما يصلح به اولها. لن يصلح اخر هذه الامة الا بما يصلح به اولها مايتصفح اخر الزمان ديال هاد الامة لي حنا عايشينو الا بداكشي باش تصلح الزمان لول ديالها وباش تصلح الزمان لول ديالها - 00:19:11 طب بالقرآن اذن ما يمكن يتصلح الزمان لخر ديالها الا بالقرآن. اهتمام الصحابة قلت كان ينصب على القرآن الكريم. كانوا كيبدأو نو الآية فوقاش تنزل واش غادي يكون فيها متبعين بالإحساس ديالهم بالمشاعر ديالهم تتبع - 00:19:31 يقظ اهتمام كبير لو كان النبي صلى الله عليه وسلم كيوزن الناس بما معهم من القرآن. وكيأمر الأمير على القبيلة بما معه من القرآن فوق الرجل من المرا بما معه من القرآن. كان القرآن هو العملة الصعبة هو ولله المثل الأعلى. لي خدام في الزمن ديال النبي صلى الله عليه وسلم - 00:19:51

لي يعني لا علاقة له بالقرآن لا علما ولا اهتماما هذا فيه نظر فمن هنا اذن الى بغيينا فعلا نصلحو النفوس ديالنا والإهتمام ديالنا والعلم ديالنا خصنا نصلحو طريقة الاهتمام ديالنا بالدين. راهها مقلوبة فعلا. وكثير من الناس مقلوب لهم هاد الميزان. القرآن ها هو محظوظ جنب. الى خسر عليه شي حاجة - 00:20:16

يحفظو او يحفظو منو شي حاجة. اما باش يهتم بيه تفسيرا ومدارسة واكتسابا للصفات حتى بالصفات لأن ماكافيش غير تحفظ آيات او سور عاود تا تحفظو كامل. ما كافيش. ما كافيش تعلم ماذ قال المفسرون. ما كافيش - 00:20:46 ضروري تحتك من القرآن باش تاخد الأخلاق لي فيه وتولي فيك حتى انت. هذا هو الإهتمام بالقرآن. وهادي هي الخدمة ديال النبي صلى الله عليه وسلم بالقرآن الجيل ديال الصحابة. كان عدد كثير من الصحابة ما حفظوا سعيا القرآن كامل. ولكن كانت فيهم اغلب اخلاق القرآن - 00:21:06

هادوك الناس لي مشاو يسولو عائشة على اخلاق النبي صلى الله عليه وسلم قالت لهم كان خلقه القرآن يعني الأخلاق اللي جا بها القرآن هي كانت متممته شخص النبي عليه الصلاة والسلام السلوك ديالو في العلاقات ديالو. في سلوكه مع ربه وفي سلوكه مع الناس - 00:21:26

راه خص القرآن يرجع للمجتمع. راه غايب. وباش يرجع للمجتمع خصو يرجع بعدا للإهتمام هادي الاولى ثم بعد ذلك كنقولو ثم تفید الترتيب يعني رقم اثنين ثم السنة باش ملي كنجيو للسنة كنفهمو السنة في ضوء القرآن. عندك الضو ديال القرآن بدارك الضو وتقرا السنة - 00:21:46

وليس العكس. ماشي بالضوء ديال السنة تقرأ القرآن بل بضوء القرآن تقرأ السنة. صحيح السنة سيرة للقرآن. ومفصلة ومبينة وشرحه. نعم. ولكن الى ما كانش عندك النظر القرآني غادي اقرأ السنة قراءة مقلوبة. علاش ؟ القرآن جاء بالمقاصد. الدينية الكبرى. يعني القرآن جاب لنا - 00:22:15

اهداف ديال الدين الأساسية. ويلا غابت عليك الاهداف الدين الأساسية كيمكن تقرأ الحديث وتفهمو مقلوب. طبقو تطبيق اعوذ فإذا هاديك الأهداف اللي جا بها القرآن خصنا نعرفوها باش ملي نقرأ الحديث نعرفو المقصود منو ويمكنا ديك الساعة - 00:22:45

نستعملو الحديث فعلا في تقييد مطلق القرآن او تخصيص مجمله او على العموم من احكامه تفسيرا او بيانا او تفصيلا كما بغيت ما هو مسطر ومدون في العلم الخاص لي كيتسى علم اصول الفقه. الإمام الشافعي رحمه الله تكلم في اصول الفقه في واحد الكتاب -

00:23:05

تكتبو هو لول لي اسس هاد العلم هدا كان كلامو على القرآن اكثر بكثير من الكلام ديالو على السنة باعتبار ان القرآن هو الأساس بل حتى ملي كيتكلم على السنة كيتكلم على السنة بالأدلة القرآنية اذن راه خصنا الله -

00:23:35

رجعوا ليه بالقلوب ديالنا نرجعو ليه بالمحبة ديالنا ونعاودو فعلا نراجعو نفوسنا في الطريقة باش كانوا خدو العلم ديالنا. هادي القضية اللولة. اذن القرآن اولا ثم السنة ثانيا. هادي في امور ديار العلم باش ناخدو العلم ديالنا. نتاقلو للعمل. العمل -

00:23:55

باجماع الأمة مكاييس هادي فيها الخلاف. ان اهم الأعمال على الإطلاق هي الفرائض عاد كتجي السنن والفرائض كلها الأصول ديال الإيجاب ديالها في القرآن. السنة اش جابت؟ جابت لنا بالتفصيل -

00:24:26

ديال الفرائض بحال مثلا الله عز وجل وجب علينا الصلاة في القرآن. اقيموا الصلاة. وجب علينا الحج في القرآن بالله على الناس حج البيت. وجب علينا رمضان في القرآن شهر رمضان. الذي انزل فيه القرآن وقبل ذلك كتب عليكم الصيام -

00:24:51

وهكذا السنة جات كتبين لدينا كيفاش نصليو. كيفاش نصومو كيفاش نحجو فإذاً الفرائض الأساسية اركان الدين الأساسية راه كابينة في القرآن والسنة كتبين لك الطريقة كيفاش تطبق اذن الإهتمام الأساسي ديال الإنسان المسلم خصو يكون بالفرضية. رقم واحد عدد السنة رقم اثنين. هذا هو الأولوية -

00:25:11

الميزان ها رقم واحد ها رقم اثنين. وكيفون بنادم مقلوب في الدين ديالو. الى مشي كيهمت برقم اثنين هو مازال مامصاوشاي مزيان رقم واحد الحديث القدسي المشهور الصحيح وما تقرب الي عبدي بشيء احب الي مما -

00:25:42

افترضته عليه هي الاولى احب شيء الى الله تعالى من اعمال المؤمن الفرائض. وما تقرب الي عبدي بشيء احب الي مما افترضته ما كاييس شيء حاجة اللي كيبيها الله تعالى من اعمال العبد قد الفرضية هي اللولة عاد كتجي النافلة وعاد قال -

00:26:02

النبي صلى الله عليه وسلم حكاية عن ربه. ولا يزال عبدي يتقرب الي بالنوافل حتى احبه. الى اخر الحديث اذن المحبة الكبيرة الأساسية واقعة بإنجاز الفرضية غلط كبير بنادم خدام كيبيع دقائق السنة. هو الفرضية ديالو باقية عوجة. تلقاء الفجر ديالو ما

كيصليشي في الوقت -

00:26:26

وخدام محن مع جزئيات التطبيق في لباسه او فيما دون ذلك هذا انقلاب هذا اعوجاج وانحراف تيفهم الدين فرضية اولا باقي فيك قاد الفرضية بعدها. والفرضية ومكملاه الفرضية. عاد كتجي السنة. لي هي النافلة -

00:26:57

باش كنقدر مكملاه الفرضية الله تعالى فرض خمس صلوات في اليوم والليلة المكملاه ديالها ان تؤدي في المسجد مثلا في جماعة فإذاً لي باجي يزيد النافلة يراقب راسو بعدما فرضية واش دارلها احسان التنزيل ولا مازال -

00:27:27

فماشي معقول واحد غادي كيزيد الفابور وهو راس المال باقي معندوش باقي مامكادوش باقي مامكادش على الحساب ديالو فيه ماشي معقول نهائيا قاد بعد الفرائض لي فرضها الله عز وجل وتقنها راسك باقي عاجز عن اتقانها فعما فضل عن ذلك ستكون اعجز -

00:27:54

اذا باش يكون العقل ديال بنادم مقاد مرتب خصو يتقن مع الترتيب الشرعي للاعمال والترتيب الشرعي للأعمال قلنا الفرائض اولا ثم النوافل ثانيا ولأننا كننتكلمو بمنطق دعوي راه ماشي معقول نهائيا -

00:28:20

تبقي تعامل مع الدين في غياب عن حاجات الناس. كيتسى الواقع. الإمام الشاطبي رحمه الله هذا عالم من العلماء القدام من علماء الكتاب والسنة كان كيقول كيودي القضية الفقهية باش تخرجها للناس شوفها اولا -

00:28:50

كابينة في الكتاب والسنة تنهنى بأنها من الناحية العلمية مأصلة كابينة ثم بعد ذلك اعرضها على عقول اهل زمانك زعما فمخك انت كتشوف بعدا واش بنادم فهاد الزمان عندو القابلية باش يطبقها -

00:29:10

ما عندوش القابلية باش يطبقها. وانش يستوعبها الإنسان فهاد الزمان ما يستوعبهاش؟ وانش يستوعبها الإنسان فهاد الزمان ولا ما يستوعبهاش وانش كاينة القدرة عليها ولا ما كايناش ايلا بان لك غادي تقولها للناس وتنزلها وتقاتل عليها والمعركة خاسرة بلاش ما تنزلهاش - 00:29:30

ويلا بان لك راه يمكن لك توصل بها للأهداف ديالها عاد تما ديك الساعة تعرضها على الناس ونعطي واحد المثال وهادشي فرق فيه بين الفريضة والنافلة مثلا من غير المنطق ومن غير المعقول شرعا وعقلا. اما نوضو نخلقو معارك مع الناس في امور ليست من - 00:29:53

اصول الدين ولا من اصول العبادات في الوقت لي الأركان الأساسية غاية نعطي امثلة باش يتضح مزيان الكلام ديالي مثلا كاين بعض الإخوان كيخلقو معارك على النقاب ديال المرا خصها دير النقاب ما تبانش نهائيا - 00:30:19

طيب مزيان تنتاقيب المرا. يعني تغطي كاع فخرة مزيان ماشي عيب مزيان. ولكن وانش الواقع ديالنا هنا الاجتماعي قريب لهادشي بعيد بزاف العربي المستوى ديال العربي وصل لواحد الفحش لا يطاق - 00:30:50

انت كتشوف الواقع في النقض راه مفضي بمرة. وباغي تصلحو باش بالنقض تماما. مع انه النصوص الشرعية ما موجباشاي على المرا تغطي وجهها النقاب لمن شاط لي بفات تزيد في العفة الله يجازيها بخير. اما الاصل المفروض انما هو تغطية البدن ما عدا الوجه والكفين - 00:31:11

فإذا باش تمشي دير واحد المعركة في واحد الواقع اللي كطلب غير على الاقل شوية شوية د الحشومة لو اننا لقينا مثلا المرا اللي معرية كاع مفضية دير واحد اللباس محتاج ماشي حتى اللباس الشرعي غير تغطي اكثرا - 00:31:40

من الوضع لي هي عليه راه مزيان تنقص من حجم الفساد كيقولو علماء اصول الفقه فهاد القواعد هادي ارتكاب اخفى الضررين اتقاء لأشدhem اللهم شوي ديال الفساد ولا بزاف ديال الفساد - 00:32:00

فما زال يعني بعض الاحيان تكون باش طمع توصل حتى للصلاح ما تقدرش كتبي غير في الفساد غير في الحاجة لي ماشي هي هاديك كتبدأ تختار شكون لي فيها الأذى بزاف مع لي مفيهاشاي الأذى بزاف - 00:32:24

وتقدير دفع فهاديك اللي ما فيهاش الأذى بزاف على اساس غير باش ما يوقعوش للناس فهاديك اللي فيها الأذى بزاف راك باقي غير فالأذى الأذى مع الأذى. ما راكشاي وصلت للأذى مع الصلاح مزال. المجتمع ما عندوش قابلية الآن. العكس - 00:32:42

غادي الواد غادي للخلا. كيجربي مستحيل توقفو نهار ولا يومين اصلاح المجتمعات ما كيوقعش بين عشية وضحاها ماشي هدا بنادم واحد هادي راهها اجيال ومؤسسات تصلح المجتمع كيوقع ف سنوات وفعمر - 00:32:59

ولذلك خص الانسان يكون حكيم. عاقل يختار من الدين ما يناسب زمانه واهله الزمان يبقى يلعب بالدين يقدر يقول لهم الخمر ما حرامش مثلا. لا الأصول راهها اصول. ما كتتناقشوش فيها. الفرائض راهها فرائض. ما كتتناقشوش فيها - 00:33:20
ولكن كتتناقشو في التقديم والتأخير شكون رقم واحد وشكون رقم اثنين؟ هذا هو لي سميئاه فقه الاولويات هادشي ضروري نتعاملو بيها ماشي معقول نهائيا واحد مثلا مازال ما كيصليش وتشوف عندو خاتم ديال الذهب فيدو وتشد فيه تقولو خاتم الذهب حرام نعما
اسي. ودير معاه معركة وما كيصليش - 00:33:47

هذا منكر انقلاب واعوجاج في مفهوم الاولويات الصحابة ما نزل عليهم التحرير. تحريم الخمر حتى للمدينة المنورة. ولكن الصلاة وجبت عليهم من قبل. وصلوا وعاودوا وهمما كيشربو الخمر حتى نزل قوله تعالى يا ايها الذين امنوا لا تقربوا الصلاة وانتم سكارى حتى تعلموا ما تقولون - 00:34:12

إذا فقه الاولويات راه من صميم الكتاب والسنة الطبيعة ديال القرآن الكريم انها مبنية على ترتيب اولويات تشريع دون تشريع وتشريع الأولى من تشريع ادن هادي جوج د الأمور خصنا نبدأ ونوعا بهم راه الى استطعنا. في هذا المجلس المبارك اننا غير نفهمو بلي راه كاينة - 00:34:38

رقم واحد ورقم اثنين في العلم. وكاين رقم واحد ورقم اثنين في العمل. راحنا ربنا ماشي ضروري دابا تعرف التفاصيل ديال كلشي.

لا غير نفهمو هادي. لأن راه الكتاب قبل السنة. والفرضة قبل النافلة - 00:35:05

هادو نسلموهم ونقتانوو بيهم وبعد ذلك يأتي ما بعده. اقول قولي هذا واستغفر الله لي ولكم والسلام عليكم ورحمة الله. يعني اذا لا تعارض امران في شخصين الأول انه لا يصلـي - 00:35:23

ثم الأمر الآخر انه يعلن الفاحشة يعني يقوم بالفواحش ولكن يعلنوا هذه الفواحش. وهو لا يصلـي. اش هو الأولى؟ كاين رقم واحد ورقم اثنين. واسـش؟ تأمروا بالصلة هي الاولى ولا تنهـا عن المنـكـر - 00:35:40

اولا فهاد الحالة هادي نازلة يجب نهـيـه عن المنـكـر او لا علاـشـ؟ ماشي دائمـاـ كـيمـكـنـ يكونـ الأمـرـ بالـمعـرـوفـ هوـ اللـوـلـ سـابـقـ عـلـ النـهـيـ عنـ المنـكـرـ. كـيمـكـنـ يـكـونـ العـكـسـ فـهـادـ الحـالـةـ وـغـادـيـ نـبـيـنـ فـوـقـاـشـ يـمـكـنـ يـكـونـ العـكـسـ فـهـادـ الحـالـةـ نـهـاـوـ عـنـ المنـكـرـ هوـ لـوـلـ. عـلـاـشـ؟ لأنـهـ الإعلـانـ دـيـالـوـ بـالـفـاحـشـةـ لاـ يـضـرـهـ - 00:36:02

نفسـهـ وـحـدـهـ فـقـطـ بـلـ يـضـرـ الآـخـرـينـ. وـاحـدـ كـيـدـيرـ وـاحـدـ الفـاحـشـةـ وـكـيـبـيـنـهـ لـلـنـاسـ. يـعـنـيـ رـاهـ بـاغـيـ يـصـدـرـهـ لـلـمـجـتمـعـ. وـهـذـاـ خـطـيرـ بـحـالـ هذاـ يـعـنـيـ هـذـاـ مـنـ الـذـيـنـ يـحـبـونـ اـنـ تـشـيـعـ الفـاحـشـةـ فـيـ الـذـيـنـ اـمـنـواـ. هـذـاـ خـصـوـ يـتـوـقـفـ عـنـ حـدـهـ - 00:36:32

يـعـنـيـ بـالـوـسـائـلـ الـمـمـكـنـةـ مـنـ الـأـمـرـ مـنـ النـهـيـ عـنـ المنـكـرـ الـحـدـيـثـ مـنـ رـأـيـ مـنـكـمـ مـنـكـراـ فـلـيـغـيرـهـ بـيـدـهـ فـإـنـ لـمـ يـسـتـطـعـ فـبـلـسـانـهـ فـإـنـ لـمـ يـسـتـطـعـ فـبـقـلـبـهـ وـذـلـكـ اـضـعـفـ الـإـيمـانـ اـذـ يـحـاـوـلـ يـقـنـعـ الـإـنـسـانـ بـتـرـكـ ذـلـكـ النـمـطـ مـنـ منـكـرـ اوـلـاـ. ثـمـ بـعـدـ ذـلـكـ يـأـمـرـهـ بـالـصـلـاـةـ. لـوـ اـنـهـ - 00:36:53

فـهـادـ الـمـنـكـرـ لـيـ كـيـدـيرـ كـيـآـدـيـ غـيرـ فـرـاسـوـ هـوـ بـحـالـ مـثـلـاـ نـفـرـضـوـ اـنـهـ كـيـشـرـ الـخـمـرـ اوـ مـكـيـصـلـيـشـ. بـتـرـكـ وـاجـباـ وـيـجـلـبـ مـفـسـدـةـ لـيـشـرـبـ الـخـمـرـ. فـهـذـاـ هـادـ الـحـالـةـ نـأـمـرـهـ بـالـصـلـاـةـ اوـلـاـ. لـأـنـهـ الـخـمـرـ غـيـرـ عـلـيـهـ. كـيـضـرـ بـهـاـ بـالـدـرـجـةـ الـلـوـلـةـ هـوـ - 00:37:17

كـنـأـمـرـوـهـ بـالـصـلـاـةـ عـلـاـشـ؟ لـأـنـ الـصـلـاـةـ تـنـهـيـ عـنـ الـفـحـشـاءـ وـالـمـنـكـرـ. وـحـنـاـ قـلـنـاـ قـبـلـ قـلـلـ اللـهـ عـزـ وـجـلـ اوـجـبـ اـجـابـ الـصـلـاـةـ قـبـلـ تـحـرـيمـ الـخـمـرـ الـصـلـاـةـ عـلـىـ الصـحـابـةـ قـبـلـ ماـ يـحـرـمـ عـلـيـهـمـ الـخـمـرـ. إـذـنـ يـدـيرـ بـعـدـ الـفـرـيـضـةـ وـدـيـكـ الـسـاعـةـ هـدـاـكـ الـمـحـرـمـ نـتـفـاهـمـوـ مـعـاـهـ عـلـيـهـ وـلـاـ عـلـ اللـهـ عـزـ وـجـلـ - 00:37:42

يـتـوـبـ عـلـيـهـ بـمـجـرـدـ الشـرـوـعـ فـإـذـاـ هـادـ الـأـمـرـ هـادـيـ مـمـقـادـاـشـ دـيـكـ نـواـزـلـ. كـلـ مـرـةـ شـكـونـ رـقـمـ وـاحـدـ وـشـكـونـ رـقـمـ اـثـنـيـنـ اـذـاـنـ المنـكـرـ مـتـعـدـيـ يـعـنـيـ كـيـآـدـيـ بـهـ نـفـسـوـ وـيـأـدـيـ بـهـ الآـخـرـيـنـ خـصـوـ دـاـكـ المنـكـرـ يـحـبـسـوـ هـوـ لـوـلـ وـاـذـاـ كـانـ هـدـاـكـ المنـكـرـ يـعـنـيـ 00:38:05

اـذـنـ حـيـتـ اـنـهـ كـيـآـدـيـ بـيـهـ غـيرـ رـاسـوـ فـخـصـنـاـ نـطـالـبـوـهـ بـالـفـرـائـضـ هـيـ الـلـوـلـةـ وـالـلـهـ اـعـلـمـ مـنـ الـأـمـرـ لـيـ مـتـعـلـقـةـ بـهـادـ النـظـامـ دـيـالـ الـأـلـوـلـيـاتـ كـيـقـولـوـ الـعـلـمـاءـ التـخلـلـةـ قـبـلـ التـخلـلـةـ - 00:38:26

وـلـكـ هـادـيـ طـبـعـاـ فـيـمـاـ يـتـعـلـقـ كـمـالـيـاتـ التـخلـلـةـ الـزـيـادـةـ فـيـ الـخـيـرـاتـ وـالـفـضـائـلـ فـوـاحـدـ مـثـلـاـ كـيـكـونـ الـفـرـائـضـ دـيـالـوـ مـأـدـيـهـاـ عـنـدـوـ الـفـرـائـضـ دـيـالـوـ وـهـوـ مـخـيـرـ اوـ قـلـ يـعـنـيـ بـيـنـ اـمـرـيـنـ اـمـاـ اـنـهـ يـزـيـدـ فـيـ الـأـعـمـالـ الصـالـحةـ - 00:38:46

اوـ اـنـهـ يـقـومـ بـتـرـكـ الـمـفـاسـدـ لـيـ كـيـقـوـمـ بـهـاـ فـالـأـوـلـىـ فـيـ حـقـ هـذـاـ اـنـ يـقـومـ بـتـرـكـ الـمـفـاسـدـ اوـلـاـ خـلـيـةـ اـنـ يـتـخـلـىـ عـنـ الـفـسـادـ الـذـيـ هـوـ عـلـيـهـ اـمـاـ مـنـ اـعـمـالـ اوـ مـنـ اـخـلـاقـ مـازـالـ الـاخـلـاقـ دـيـالـ الـخـيـرـاتـ اللـهـ اـعـلـمـ. لـاـ ماـشـيـ ماـشـيـ وـاجـبـ تـكـوـنـ الـدـرـاسـةـ مـعـمـقـةـ. هـادـيـكـ الـدـرـاسـةـ

يـتـخـلـىـ يـقـومـ بـتـخـلـلـةـ بـعـدـاـ. عـادـ يـزـيـدـ الـنـوـافـلـ دـيـالـ الـخـيـرـاتـ اللـهـ اـعـلـمـ. لـاـ ماـشـيـ ماـشـيـ وـاجـبـ تـكـوـنـ الـدـرـاسـةـ مـعـمـقـةـ دـيـالـ الـمـخـتـصـينـ لـيـ غـادـيـ يـخـتـصـوـ فـيـ الـعـلـمـ الـشـرـعـيـ. حـنـاـ كـنـتـكـلـمـوـ دـاـبـاـ عـلـىـ الـإـلـصـاـحـ. دـاـبـاـ هـادـشـيـ - 00:39:42

فـيـنـ جـبـنـاـهـ؟ فـيـ اـطـارـ الـدـعـوـةـ الـلـهـ عـزـ وـجـلـ. فـيـ اـطـارـ الـدـعـوـةـ الـلـهـ خـصـنـاـ نـهـتـمـوـ بـالـقـرـآنـ هـوـ لـوـلـ الـقـرـآنـ دـاـبـاـ تـصـوـرـ رـاسـكـ كـأـنـهـ الـآنـ عـادـ جـاـ النـبـيـ صـلـىـ اللـهـ عـلـيـهـ وـسـلـمـ وـجـاـيـبـ الـقـرـآنـ فـإـذـنـ الـحـدـيـثـ دـيـالـ النـاسـ وـالـإـهـتـمـامـ دـيـالـهـمـ - 00:39:58

يـبـقـيـ يـكـونـ خـاصـ بـالـقـرـآنـ وـتـبـيـعـ اـيـاتـ الـقـرـآنـ وـاـشـ وـاقـعـ؟ بـحـيـثـ اـنـ الـوـجـدـانـ دـيـالـهـمـ زـعـمـ الـإـلـهـاسـ دـيـالـهـمـ وـالـشـعـورـ دـيـالـهـمـ يـكـونـ مـرـتـبـ الـقـرـآنـ بـزـافـ كـتـرـ مـنـ الـسـنـةـ هـذـاـ هـوـ لـيـ خـصـنـاـ نـوـعـاـوـ بـهـ الـآنـ. الـآنـ يـعـنـيـ خـصـنـاـ نـقـومـ بـوـاحـدـ النـوـعـ دـيـالـ التـجـدـيدـ. نـحـيـيـوـ فـيـ نـفـوـسـنـاـ وـفـيـ غـيـرـنـاـ. وـاحـدـ الـمـدـرـسـةـ لـيـ كـانـوـاـ عـلـيـهـاـ - 00:40:14

يـاـ الصـحـابـةـ وـهـيـ مـدـرـسـةـ الـقـرـآنـ الـكـرـيمـ فـحـنـاـ نـقـومـ اـذـ بـإـحـيـاءـ مـدـرـسـتـيـ الـقـرـآنـ الـكـرـيمـ هـيـ الـصـحـابـةـ. تـرـبـاـوـ عـلـىـ الـقـرـآنـ الـكـرـيمـ. كـانـ الـوـحـيـ كـيـنـزـلـ فـيـهـمـ. لـأـنـ الـنـبـيـ صـلـىـ اللـهـ عـلـيـهـ وـسـلـمـ كـانـ كـيـنـزـلـ عـلـيـهـ الـوـحـيـ كـانـ فـيـهـمـ - 00:40:38

الـقـرـآنـ كـانـ كـيـنـزـلـ فـيـهـمـ. وـفـيـ الـقـضـاـيـاـ دـيـالـهـمـ. فـكـانـوـاـ مـتـبـعـيـنـوـ وـمـتـبـعـهـمـ. مـتـفـاعـلـيـنـ مـعـاـهـ. كـلـ لـحـظـةـ هـادـ الـإـلـهـاسـ هـادـ خـصـنـاـ نـحـيـيـوـهـ

فيما القرآن باقي هو القرآن وكما تحدث عن الصحابة فهو يتحدث عن كل الأجيال وهادي هي الخاصية الربانية - 00:40:56

لي متلقاهاش في السنة وما تلقاها في اي كلام من كلام ما او من بعد النبي عليه الصلاة والسلام ومن دونه فإذا القرآن راه متميز بواحد الخاصية انه كتاب لي صالح لكل الأزمنة. وتعود تقوم بتجديد الإهتمام ديال الناس به - 00:41:16

كتحس بأنه كأنه ينزل الآن خصنا فعلا نشعرو واحد الشعور كأننا رسول الآن. نخرج إلى الناس بالقرآن الكريم ماشي يعني القرآن غادي نوضو نتفرغو ليه بالدراسة والتفسير اه فسر تفاسير ولكن تفرغو ليه - 00:41:37

بالاهتمام والإحساس بالقيمة ديالو والتحسيس بالقيمة ديالو شعرو الناس بدوا القرآن شي حاجة مهمة جدا وأنه خاص يتفاعلوا معاه والى وقع التفاعل معاه را شي حاجة كبيرة القرآن شنو هو؟ رسالة هادي غيبة وهادا هو الجوهر ديال القرآن الكريم القلب النابض اللي - 00:41:59

يعني به يمكن لك تفهم القرآن الكريم هو كون رسالة هادوك هاد المعنى هذا ديال كونو رسالة غايب غايب عند حتى المتدلين لي كيفهمو نفوسهم انه هما كيفسرو للناس وكيفينو للناس الا من رحم الله - 00:42:21

مفهوم ديال رسالية القرآن نكونو رسالة من الله إلى العباد والدليل على انه مغيب انه من مكانه اهتمامات اخرى من العلم يا اما غلبوا السنة يهتموا بها اكتر من القياس - 00:42:40

اش هو اكتر من القياس؟ كون القرآن ما خداش الحق ديالو الطبيعي. تتولى ديك الساعة الاهتمام بالسنة اكتر من القياس او انه لا الكتاب ولا السنة لا هداك ولا هاديك. ولكن فهو تفسيرات وتحليلات عقلية لا اصل لها من الكتاب ولا من السنة - 00:42:58

اذن القرآن خصو يشد بالاصنوف خصو يرجع. الإحساس ديالنا هنا بعدها اللولين. ثم نخدمو به. الى غادي تصلح واحد الغلطة القرآن هي اللولة عاد تجيز السنة ماشي السنة السنة واية وحدة ديال القرآن ما خدامش بها. هذا اعوجاج هذا انحراف. اذا القرآن ما جاش فيما هي الرسالية ديال القرآن؟ هذا هو لي - 00:43:15

هاد الكلام كلو ديال القرآن خصو يكون هو الهم الكبير ديالنا. نتعاونو عليه نتمحنو عليه نتعديو عليه نتمحنو الصحابة عليهم تعديو عليه فإذا لو كون نحسنو هادشي عرف بأن الله عز وجل سياكلأ سياكلأ خطواتنا ربنا تعالى يحمي الخطوات ديالنا ويسددها ويوفقها لأنك - 00:43:39

لخادم ديال القرآن ومن كان خادما للقرآن فقد دخل إلى ارفع مقام العبودية لأن القرآن هو كلام الله عز وجل اخص الخصائص الإلهية الكلام الإلهي الذي كلم به انبيائه موسى - 00:44:04

وعيسى ومحمدما عليه الصلاة والسلام كل واحد وكيفاش كلمو الله تعالى وكان ان كلام الله محمدا عليه الصلاة والسلام بهذا الكتاب اللي هو القرآن الكريم. عن طريق الوحي هادي راه ماشي ساهلة - 00:44:27

راه يوقع تجديد اهتمام الناس بالقرآن على انه كلام الله يا اخي تغيب عليك بعض المعاني ديال الآيات راه مضركش هنا كتولى كتعتاقد بأنك تتعامل مع كلام الله عز وجل - 00:44:43

هاديك الساعة البركة الإلهية الحفظ الرباني يحيطك من كل جوانبك وما تمشي الا في الخير فإذا ترتب العقل ديال الإنسان والوجدان ديالو بهاد الترتيب انه القرآن كيولي يعني هو الكتاب رقم واحد - 00:44:57

اللي مهمتهم به وتولى الفرائض ديالو هي الأساس اللي رافض لو الهم كيفاش خصو يدير لو كيفاش خصو يقادو واس فاتو واس خصو يعوض ولا يعني اشمن طريقة باش يتعامل مزيان مع الفريضة باش ما يبقاشي يعوجها الى اخره بيدا عنده واحد الهم مع الفريضة ديالو يعني - 00:45:18

فاللأمور ديال العمل ماشي بانت هادشي النافلة ماديرهاش لا ولكن نهار تحس براشك داك الفريضة يعني الأساسيات خدام بها ديك الساعة الله ما استطعت الى ذلك سبيلا بغير الزام. ولكن بالترتيب هاد النظام لي كتتكلمو عليه - 00:45:38

راه التجديد الأساسي لي خص هاد البلد هادي راه هو هذا. ولو انه هاد المنهج يخدم في البلد عرف بلي راه بإذن الله عز وجل. في وقت وجيز غتحس بالأرض - 00:45:56

المسار ديال الخير في الأمة الناس الآن كينفرو من الدين علاش؟ لأن الناس جايبيينو مقلوب وانش عباد الله معريه مفلسة وتجي نتا

تبقي تقاتل معاه على ما اسفل الكعب من الازار في النار - 00:46:06

الصراحة مازال هو مخو ما مقاد مع ربو. ما زال العبادات ديالو كاينة ولا ما كايناش ؟ فتجاد الاصول والكليات والأركان عاد تقلب على الصباغة باش تصبغ وانش بالخضر ولا بالحمر را هدا هو المشكل ديالنا - 00:46:22

والناس ما مستعدينش الآن يسمعوا يعني واحد الخطاب لي آآ بعيد بزاف على مجال الحياة ديالو بينما الأركان ديال الإسلام عايشة عايشين يعني موجودة في احساس الناس. و ملي تخاطبو بالأركان ديال الإسلام - 00:46:42

وتخاطبو بأمهات الفضائل وأمهات الرذائل. ما يقدرش يدوبي نمشي خمارين وتقول لهم الخمر حرام تا واحد ما يقدر يدوبي علاش؟ لأنها من امهات الرضاعة ماشي شي جزئية صغيرة هادي في نص القرآن بالخصوص القرآن. وكليات السنة. معلوم من الدين بالضرورة. حد ما يقد يرد عليك الهمزة - 00:47:04

يعني مبقاتلناش حنا في الأمة دابا راه واحد السنة من السنن راه مازال مدرتهاش. بقات لنا في الأركان مكيناش والأركان هي المدمرة والمهددة للبلاد والعباد. نقادو هادي بعدها وخصها وقت باش تقاد - 00:47:29

اذن هادي هي يعني الرؤية الدعوية لي راني نتكلم عليها دابا مدرسة للقرآن. يعني التوجه ديال الإهتمام بالقرآن الله اعلم الله عز وجل قال في محكم كتابه افلا يتذمرون القرآن ام على قلوب اقفالها - 00:47:48

اذن المشكلة اللي كتعلق بهاد السؤال اللي المضمون ديالو هو كيفاش نتعاملو مع القرآن الكريم يعني كيفاش نرجعو للناس الاهتمام بالقرآن الكريم وانش غير بالحفظة ولا بالمدارسة ولا ولا الى اخره - 00:48:08

هاد الامور كلها واردة فنرجعو للأولويات عاوتاني. لأن الحفاظة كاينة المدارسة كاينة تدبر الى اخره الاولوية اللولة رقم واحد لي خصها تجي هي التدبر افلا يتذمرون القرآن ام على قلوب اقفالها - 00:48:29

علاش جا القرآن باش نقومو بالتدبر ديال الآيات يعني واحد النوع ديال التأمل والتبصر للآيات القرآنية. غادي نبين انا هاد المعنى هذا بحول الله عز وجل تدبر القرآن ليس هو من شأن العلماء فقط - 00:49:01

هاد الخدمة يمكن يديرها العالم ويديرها البسيط وهو انه البركة لي عندك من القرآن واخا عندك غير اية وحدة ولا صورة وحدة تكون قصيرة ولا موسطة ولا كيما كانت هاديك البركة اللي عندك من القرآن - 00:49:22

سيرو تبداو تقرأو كان حاول تعيشها تعيش المعاني ديالها اللي قدرت توصل ليها وصلت لشوية عيش هداك شوية. وصلت لبزاف عش هداك بزاف. وهكذا ويمكن لك دوز بضعة اشهر انت مع واحد الآية واحدة - 00:49:41

ما حداك كتخمم فيها ولا فدلاها الهم وهي كترسخ لك في الإحساس ديالك والوجود ديالك حتى كتولي لك خلق طبيعي كان خلقه القرآن لأن كان معاشر مع القرآن عليه الصلة والسلام. فإذا - 00:50:05

نعطيو واحد المثال قل هو الله احد. الله الصمد لم يلد ولم يولد ولم يكن له كفوا احد. هادي سورة الإخلاص اللي هي ملخصة التوحيد كلو بدا الانسان يتأمل هاد الحقائق ديال وحدانية الله عز وجل وحدانية الله تعالى في الخلق والاحياء - 00:50:28

والمصير والعبادة يعني كل الامور لي كتعلق بالكون مرجعها ومالها الى الله عز وجل تبدأ تشاهد بعينيك هاد الامور هادي في الحياة ديالك اليومية الصورة صغيرة وراك حافظها ما كاينشي ما حافظهاش - 00:50:51

تبدأ تعيشها هذا تدبر بالبساطة ديالك وتلقى الفلاح البدائي بسيط بعض الأحيان تعطيه كلمة واحدة ويبدا يديرها ويطلع لك العجب من اللهجة العامية. من داكيشي لي كيوفقو الله تعالى ليه - 00:51:10

طبعا قداش ما ازداد الإنسان علم كلما كان افضل. قديت تستauen بكتب التفسير وتزيد تعمق مزيان. ولكن راه ماشي معنت هادشي ان الباب مسدود في التدبر الا على العلماء افلا يتذمرون على الاطلاق؟ كلشي. كل واحد بالمستوى ديالو - 00:51:27

فالقرآن اذن ديك البركة اللي عندك حاول تعيش معها وتعيش بها وتحس انه راه عندك شي حاجة ماشي عاديه مبيقاش بيان لك قل هو الله احد واحد الإحساس عندنا عوج عند الناس. الأغلبية د الناس يعني راهها صورة صغيرة وكيف حفظوها غير الدراري الصغار انا ما

غلط كبير راه الله عز وجل الذي انزل قل هو الله احد هو سبحانه وتعالى ذاته الذي انزل سورة البقرة وال عمران وراه بحال بحال
هذاك كلام الله وهذاك كلام الله - 00:52:07

وتقول اللي كاين في البقرة وال عمران هو الثقل نفسو اللي كاين ف قل هو الله احد ولي شعر فعلا بالقيمة ديا قل هو الله احد غادي
يعرف بأنه هاز واحد الثقل كبير - 00:52:23

انا سلنقي عليك قولا ثقليا القرآن كل وتقيل من كنوز الربانية. وكلمة وحدة من القرآن الكريم لو ادركت افاقها وابعادها لما استطعت ان
تحيط بكل محيطها. ما تقدر شاي تعدد العلم لي فيها. كلمات الله عز وجل - 00:52:37

الواسعة التي لا حد لها الناس سبحانه الله عز وجل يعني هذا كلام الرب الأعلى العظيم. ومن صفاتاته انه سبحانه وتعالى مطلق في كماله
و جلاله ما عنده حد سبحانه وتعالى - 00:53:05

هو محيط بكل شيء. ولا يحيط به اي شيء سبحانه وتعالى فاي كلمة تهزها من القرآن عبد الله راه واحد الكنز كبير كبير من هنا اذن
كيولي القرآن شيء حاجة ماشي عادي - 00:53:23

راه العادة عوجت عباد الله. العادة عوجت عباد الله. تعودوا ان القرآن موجود وموجود تا ولی عندهم شيء حاجة عادي. هو عمرو ما
كان عادي. وعمرو ما غادي شيء غير عادي تماما - 00:53:41

لانه كلام الله سبحانه وتعالى. فوق العادة هذا خصو يتجدد في القلوب ديالنا. هذا هو علاش راني ندق دابا يانا نهار يتجدد هذا تزيد
للدرجة الثانية تدبر افلا يتدبرون القرآن ام على قلوب اقفالها - 00:53:55

قرأ قل هو الله احد الصباح والعشية ما كتجيب والو. قفل. ام على قلوب اقفالها نهرسو هاد الاقفال الصادئة مصدية مقلفة هرسها.
حاول تعامل تعامل جديد مع القرآن الكريم بعد ذلك المدارسة نعم - 00:54:14

مدارسسة انسان مزيان يقلب على مجالس العلم باش يتعلم العلم علم القرآن اولا حنا باقيين فيه. وعلم السنة ثانيا يتعلم علم القرآن
تفسير القرآن تدبر المبني على تفاسير داك التدبر الأولي اللي كدير راسك دابا غتنقى تجييك تفاسير - 00:54:36

من الآثار وكتخليك تزيد تعمق بمسائل علمية دقيقة. في التدبر ديالك كيتفتح لك افاق جديدة لاكتساب ايمان اعمق وارسخ ولذلك
قال الله عز وجل انما يخشى الله من عباده العلماء علاش؟ لأن التدبر ديالهم كيكون غارق - 00:55:05

ماشي عارفين بزاف لا شحال من واحد عارف بزاف وقلبو بحال الحجر قاسي العلماء الذين يستثمرون علمهم في التدبر واكتساب
الصفات الایمانية هادو هما العلماء الحق انما يخشى الله الخشية احساس قلبي شعوري. انما يخشى الله من عباده العلماء -
00:55:26

إذا هاد الأشياء هادي ملي تزيد شوية د العلم خدمو التدبر الى ما خدمتوش كيولي داك العلم زايد باطل كل علم القاعدة الفقهية
الأصولية كل علم ليس تحته عمل فهو باطل - 00:55:48

العلم لي تزيدو ميفيدكش فليمان ديالك عندك مدير بيه. يتنقل عليك فقط ثم بعد ذلك الاجتهاد في حفظ المزيد من القرآن. البركة لي
عندك راك بقيت كدور فيها قريت داكيشي لي كتب لك الله تعالى في تفسيرها. زيد حينئذ من الحفظ ما استطعت. لي ربى تعالى وفقو
باش يحفظ القرآن كامل راه هذا فضل كبير - 00:56:06

راه عندهو واحد الكنز عمرو ميسالي. راه عندهو واحد العلم لا محيط له ولا حد له ولذلك فعلوا لي ربى تعالى وفقوا وبقى يتقاول مع نفسه
ويتقاول مع الوقت باش يخرج لحظات لحفظ المزيد من الآيات - 00:56:33

الصور هذا ايضا راهو عندي اجتهاد كبير وفي نهاية المطاف الاهتمام ديالنا بالقرآن دراسة وتلاوة وحفظا وتدبرا الى غير ذلك من
معاني لي هي فروع لهاد المسائل هادي الأشباها ديالها - 00:56:51

هذا الشيء خصنا نبقو نعيش عليه صباح وعشية اذن هادي امور اذن ابواب عملية تنفيذية تطبيقية يمكن تخدم بها من دابا. الإيمان
قبل القرآن قبل حفظ القرآن كاملا و إلا الإيمان يعني كيقصد هنا القرآن كاملا. جاو الناس من بعد حفظوا القرآن والإيمان مزال مكاييسن.

ماشي الإيمان بمعنى - 00:57:10

لا الإيمان بمعنى الإحساس القلبي بالدين. الإيمان الذي يزيد وينقص. هذا هو لي كيكل سمعني هاد الصحابي الجليل فكانو كيحفضو عشرة د الآيات ثم يعني تدارسوها ويفهموها. ويستثمرها ويستفيدوا من استمار الإيمانية ديالها. فكيشد الإيمان ديالها عاد كيزيد العشرة د الآيات - 00:57:35

من بعد تبدل المنهج. من بعد جيل الصحابة ولى الناس كيحفظو القرآن كامل في خطرة. عاد كيبدأ يتعلم الأمور ديالو باش يمكن يزداد ايمان او لا يزداد ايمان. فقال هاد الصحابي كنا نؤتى الإيمان قبل القرآن - 00:58:01

يعني يعني ديك البركة شوية الآيات القليلة ديال القرآن لي عندو كانت كتعطيه من الإيمان الشيء الكبير وغا مزال محفظ مزال مكمل حفظ القرآن كاملا هذا هو المقصود. وهذا هو لي كنت كتتكلم عليه الآن. يعني خص ديك البركة لي عندك تستفيد منها تدبرا ومدارسة - 00:58:18

وتعالما وتطبيقا عاد تزيد لشي اخر والله اعلم سبحانه الله وبحمدك نشهد ان لا اله الا انت نستغفك ونتوب اليك اعملنا سوءا وظلمتنا انفسنا فاغفر لنا فانه لا يغفر الذنوب الا انت. سبحان رب العزة عما يصفون وسلام على المرسلين - 00:58:40
لله رب العالمين - 00:58:56